

01/0-50-1

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-2332-3/11
Sarajevo, 9. 7. 2012. godine

11-07-2012

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 11-07-2012			
Organizaciona jedinica	Klasifikaciona oznaka	Redni broj	Broj priloga
01-50-1-15-25/12			

PARLAMENTARNA SKUPŠTINA BiH

- Zastupnički dom -

SARAJEVO

PREDMET: Odgovor na zastupničku inicijativu, dostavlja se

Vijeće ministara Bosne i Hercegovine je na 12. sjednici održanoj 4. 7. 2012. godine utvrdilo Odgovor na zastupničku inicijativu koju je uputila Dušanka Majkić, zastupnica u Zastupničkom domu Parlamentarne skupštine Bosne i Hercegovine.

U privitku prosljeđujemo Odgovor radi njegova dostavljanja zastupnici.

S poštovanjem,

GENERALNI TAJNIK
Zvonimir Kutleša






**BOSNA I HERCEGOVINA
VIJEĆE MINISTARA**

Broj: 05-50-1-2332-3/11
Sarajevo, 9. 7. 2012. godine

DUŠANKA MAJKIĆ, poslanik u Predstavničkom domu
Parlamentarne skupštine Bosne i Hercegovine, na 25. sjednici ovog Doma održanoj
29. marta 2012. godine, ponovila je Vijeću ministara Bosne i Hercegovine, odnosno
Ministarstvu sigurnosti BiH poslaničku inicijativu sljedećeg sadržaja a koja glasi:

**„ Podnosim inicijativu za pokretanje procedure ispitivanja opravdanosti daljeg
postojanja Agencije za forenzička ispitivanja i vještačenja BiH od strane Savjeta
mininistara BiH.“**

Na postavljena pitanja, Vijeće ministara Bosne i Hercegovine je na 12.
sjednici održanoj 4. 7. 2012 godine, utvrdilo sljedeći (broj)
(datum sjednice)

ODGOVOR

Ministarstvo sigurnosti Bosne i Hercegovine je u sklopu ponovljene poslaničke
inicijative zatražilo od Agencije za forenzička ispitivanja i vještačenja BiH izjašnjenje
na određene okolnosti, te vam upućujemo sljedeći odgovor:

Odlukom Vijeća ministara o trajnom smještaju Agencije za forenzička ispitivanja i
vještačenja BiH broj: 200/09 od 23.07.2009.godine, Agenciji je određen trajni smještaj u
zgradi Državne agencije za istrage i zaštitu BiH, na lokaciji Lukavica Općina Istočno
Sarajevo, površine 1.135 kvadratnih metara. Agencija se u navedeni prostor uselila u julu
2010.godine i jedino ova Agencija, od četiri novoformirane, ima riješeno pitanje trajnog
smještaja i ne izdvaja sredstva za zakup prostora. Iz navedenog proizilazi da Agencija ima
izgrađen prostor za smještaj DNK laboratorije.

U okviru smještajnih kapaciteta, određen je dio prostora za DNK laboratoriju od 200
kvadratnih metara i isti je građevinski prilagođen za ovu namjenu, s tim što nisu urađeni
podovi i klimatizacija. U Agenciji je također uređeno pitanje prihvatanja materijalnih
dokaza u vještačenju, sve u skladu sa odredbama člana 95., 96., 97., 98., 99., 100., 101., i
102. Zakona o krivičnom postupku Bosne i Hercegovine („Službeni glasnik BiH“ broj
3/03, 32/03, 36/03, 26/04, 63/04, 13/05, 48/05, 46/06, 76/06, 29/07, 32/07, 53/07, 76/07,
15/08, 58/08, 12/09, 16/09 i 93/09).

Po dopisu Agencije, planom opremanja u Budžetu za 2011.godinu planirana su sredstva za nabavku laboratorijskog namještaja, odgovarajuće podne obloge i opreme za klimatizaciju, čijom nabavkom bi se u prostoru DNK laboratorije mogla smjestiti oprema za DNK vještačenja. S obzirom da je 2011.godina prošla na privremenom finansiranju Agencija nije mogla pristupiti izvršenju kapitalnih investicija, pa je u Budžetu za 2012.godinu ponovo planirala navedena sredstva.

Ministarstvo sigurnosti BiH ne može okončati proceduru preuzimanja DNK laboratorije od FMUP-a sve dok se u Agenciji u potpunosti ne izgradi prostor za smještaj DNK laboratorije. S obzirom da je DNK laboratorija privremeno smještena na lokaciji MUP-a Federacije BiH, te uvažavajući činjenicu da proces forenzičkih vještačenja ne može biti prekinut, ovo se pitanje može riješiti tek po ispunjavanju svih uvjeta u Agenciji za forenzička ispitivanja i vještačenja BiH. Također, Federalno ministarstvo unutrašnjih poslova je zatražilo razumijevanje, zbog vrste i obima posla, da do kraja aprila 2012.godine koristi opremu koja je predmet prijenosa, te se obavezalo da će osigurati prijenos opreme čiji je vlasnik Ministarstvo sigurnosti BiH.

Odredbama člana 112. Zakona o krivičnom postupku Bosne i Hercegovine propisano je da analizu DNK može vršiti isključivo institucija koja posjeduje potrebnu stručnost, u smislu osoblja i opreme da obavlja forenzičku DNK analizu za ovu vrstu vještačenja. U Agenciji su zaposlena lica koja posjeduju potrebnu stručnost za obavljanje forenzičke DNK analize, ali prostor nije adekvatno opremljen i stoga Agencija nije u mogućnosti, još uvijek, preuzeti, instalirati i vršiti DNK vještačenja po iskustvima i standardima koji su neophodni za ovu vrstu vještačenja.

Po obavještenju Agencije za forenzička ispitivanja i vještačenja BiH da su u potpunosti stvoreni uvjeti za instaliranje DNK laboratorije, Ministarstvo sigurnosti BiH će pokrenuti proceduru prenošenja laboratorijske opreme u Agenciju.

Forenzička ispitivanja i vještačenja na državnom nivou su potrebna i u toku je realizacija zaključaka Vijeća ministara BiH koja su donesena na 7.sjednici održanoj 10.05.2012.godine (tačka 45), kojima se zadužuju ministarstva da izrade analizu efikasnosti rada i ocjenu opravdanosti postojanja upravnih organizacija u svom sastavu. U Ministarstvu sigurnosti BiH je formirana radna grupa koja će sačiniti sveobuhvatnu analizu i nakon toga će se moći dati mišljenje o opravdanosti postojanja Agencije za forenzička ispitivanja i vještačenja BiH kao samostalne upravne organizacije.